

Kuv yuav tau txais kev pab sai npaum li cas?

Yog tias koj muaj nyiaj tsawg lossis tsis muaj nyiaj li es xav tau kev pab sai, qhia rau qhov chaw haujlwm SRS Service Center hauv koj lub zos paub. Tej zaum koj yuav muaj kam tau txais kev pab li ntawm xya hnub. Yog tias tsis yog li no ces, mam li ntsuam xyuas koj daim ntaww thov tsis pub dhau 30 hnub.

Kuv yuav tau txais kev pab ntev npaum li cas?

Tsis hais yuav ntev npaum li cas tsuav yog koj tsim nyog tau kev pab raws txoj cai xwb.

Puas muaj lwm lub oos-kas uas pab khoom noj thiab?

Muaj. SRS muaj ib lub oos-kas pab khoom noj. Yog xav paub ntxiv txog tias yuav mus muab cov khoom noj no qhov twg hauv koj lub nroog (county), hu rau qhov chaw haujlwm SRS Service Center hauv koj zos.

Puas muaj lwm yam kev pab uas kuv txais tau thiab?

Yog tias tsim nyog koj tau txhais nyiaj muas noj, tej zaum koj yuav tsis tau nyiaj ntsuab, nyiaj pab menuam lossis kev pab kho mob, uas yuav pab tau koj them nqi kws kho mob thiab tshuaj. Tej zaum kuj yuav tau txhais kev pab them koj qhov nqi Medicare thiab co-payment (nqi uas koj koom them). Yog xav paub ntxiv, nug qhov chaw haujlwm SRS Service Center hauv koj lub zos.

Lus nug?

Yog koj muaj lus nug, thov hu lossis mus ntsib qhov chaw haujlwm SRS Service Center hauv koj lub zos, hu dawb rau 1-888-369-4777, lossis mus saib peb hauv ntuj cab sab ntawm www.srskansas.org.



Cov nyiaj muas noj uas tsis tau siv yuav cia nyob rau hauv koj tus Vision as-khauj kom txog 12 lub hlis.

PUB DAWB!

Yuav Siv Koj Daim Khoj Vision Li Cas Thiaj Li Yuav Tsim Nyog Tshaj

Hu rau koj lub County Extension Office txog cov ncauj lus hais txog:

- Txuag koj cov nyiaj muas noj
- Xaiv cov khoom noj zoo rau koj tsev neeg
- Ua cov zaub mov noj uas noj sai sai thaum maj
- Khaws koj cov khoom noj cia zoo chaw



Yog xav nrhiav lub County Extension Office uas nyob ze koj tshaj, mus saib www.oznet.ksu.edu/Map.aspx



KANSAS
DEPARTMENT OF SOCIAL
AND REHABILITATION SERVICES
Economic and Employment Support

915 SW Harrison St.
Topeka, Kansas 66612
1-888-369-4777
www.srskansas.org

ES-2007 8/08 HMONG

Kansas Lub Oos-kas Pab Khoom Noj



KANSAS
DEPARTMENT OF SOCIAL
AND REHABILITATION SERVICES
Economic and Employment Support

Kansas Lub Oos-kas Pab Khoom Noj Yog Dab Tsi?

Lub Food Assistance Program (yav tas los hu ua Food Stamp Program) pab cov neeg uas tau nyiaj hli tsawg lossis tsis tau nyiaj hlo li yuav khoom noj zoo. Nws muab kev pab rau cov neeg thiab cov tsev neeg uas tsim nyog txhais kev pab kom lawv yuav tau khoom noj, xws li nroj tsuag uas noj tau thiab noob zaub/txiv los kuj tau, los ntawm cov khw muag khoom noj hauv zos.

Lub oos-kas no ua haujlwm li cas?

Cov kev pab txhua hli yog muaj cia rau hauv daim khoj Vision, uas ua haujlwm thiab zoo tib yam daim khoj rho nyiaj. Thaum yuav khoom tom khw, muab koj daim khoj los so ces nws mam cia li rho nyiaj hauv daim khoj tus as-khauj mus.

Leej twg thiaj li tsim nyog nkag rau lub oos-kas no?

- Cov neeg uas ua haujlwm, tiam sis tau nyiaj hli tsawg, thiab tej zaum cov neeg tsis ua haujlwm los kuj yuav tsim nyog nkag thiab.
- Koj thiab lwm tus neeg uas hauv koj tsev neeg uas noj nyob nrog koj. Cov neeg nyob ua ib tse ces yeej xam tias yog ib tsev neeg tsis thas yuav sib txheeb ze li cas.
- Cov neeg muaj 60 xyoo lossis laus dua thiab cov neeg xiam oob qhab. Neeg xiam oob qhab yog xam cov neeg uas tau nyiaj laus Supplemental Security Income, nyiaj Social Security, tej yam nyiaj xiam oob qhab rau Qub Tub Rog, nyiaj xiam oob qhab so haujlwm rau ib yam kev xiam oob qhab ua tsis txawj zoo, thiab nyiaj xiam oob qhab rau kev ua kev tsheb ciav hlau.

Pub kuv muaj nyiaj (resources) ntau li cas es kuv tseem tau txhais nyiaj muas noj?

Pub koj muaj txog \$2,000 nyiaj. Yog tias ib tus neeg hauv koj tsev muaj 60 xyoos lossis laus dua lossis xiam oob-qhab, koj muaj cai muaj txog \$3,000 nyiaj cia ua resources. Resources yog xam nyiaj ntsuab thiab koj cov nyiaj cia hauv as-khauj sau tshev/cia nyiaj. Tsis xam tej yam resources xwm li koj lub tsev lossis tsheb.

Kuv puas yuav tsum yog neeg Xam Xaj Miskas thiaj li tau nyiaj muas noj?

Neeg xam xaj Miskas thiab qee tus neeg muaj ntaub ntawv yuav tsim nyog tau txhais nyiaj muas noj yog thaum tsim nyog raws txoj cai lawm. Yog tias koj tsis tsim nyog tau kev pab vim koj txoj kev hla teb chaws, tej zaum cov neeg uas muaj ntaub ntawv lossis cov menuam ua yog xam xaj tseem yuav tau txhais kev pab. Yuav tsum muaj ntawv pov thawj xam xaj lossis ntawv pov thawj qhia tias tsis yog xam xaj rau txhua tus neeg ua koj thov kev pab rau.

Yog tias kuv tau nyiaj muas noj, kuv puas yog ib tug neeg public charge (tus neeg uas tos noj los ntawm tsoom fwv tas mus li xwb).

Tsis yog. Koj thiab koj tsev neeg muaj cai thov thiab tau nyiaj muas noj yam tsis cuam tshuan qhov koj yuav tau lossis tsis tau los mus ua neeg xam xaj Miskis.

Kuv yuav ua ntawv thov li cas?

Yooj yim ua ntawv thov kev pab. Cov ntawv thov kev pab muaj nyob hauv qhov chaw haujlwm SRS Service Center lossis Access Point hauv koj lub zoo, lossis hu dawb rau 1-888-369-4777 kom lawv xa tuaj. Cov ntawv thov kev pab no muaj nyob hauv ntuj cab sab ntawm www.srskansas.org. Yog koj tsis nkag siab nqi lus twg ces koj tseg tsis teb nqi lus ntawd los tau. Nqa koj daim ntawv mus rau tim SRS es ib tug neeg mam li tiv tauj koj teem sijhawm mus xam phaj. Koj thov kom xam phaj tim hoob-kas lossis xam phaj hauv xov tooj los tau.

Kuv yuav tsum muaj cov ntaub ntawv twg nqa mus rau SRS yog kuv thov kev pab nyiaj muas noj?

- Npav duab xws li ntawv yug lossis lais-xees tsav tsheb
- Ntaub ntawv qhia tias koj tsis yog neeg xam xaj yog tias koj tsis yog neeg xam xaj Miskas
- Naj npawb xaws-saus rau koj thiab lwm tus neeg uas thov nyiaj muas noj
- Ntawv pov thawj qhia nyiaj hli
- Ntawv pov thawj qhia nyiaj khaws cia (assets) xws li as-khauj sau tshev thiab as-khauj cia nyiaj

Yog tias kuv tsim nyog tau kev pab, kuv yuav tau ntau li cas?

Qhov ntau thiab tsawg ntawm qhov nyiaj pab mas nyob ntawm seb koj tsev neeg hov coob thiab seb koj qhov nyiaj hli hov ntau tam qab txiav se lawm. Yog tias tsim nyog, koj yuav tau ib daim EBT khoj (Vision card) coj mus muas khoom noj. Qhov ntau thiab tsawg ntawm qhov nyiaj pab ntawd muaj sau rau hauv kev daim khoj.